



HERRIZAINGO SAILA

Herrizaingo Sailburuordetza
Larrialdiei Aurre Egiteko eta Babes
Zibileko Zuzendaritza

DEPARTAMENTO DE INTERIOR

Viceconsejería de Interior
Dirección de Atención de Emergencias
y Protección Civil

GOMENDIOAK - ELURRA

1. HERRITARRENTZAKO GOMENDIOAK

Hona hemen Eusko Jaurlaritzako Larrialdiei Aurre Egiteko eta Babes Zibileko Zuzendaritzaren aholkuak elurra egiten duenerako, ondorio txarrik ez izateko edo ahalik eta gehien murrizteko, eragindako herritarrentzat:

Prebentzioko neurriak:

Bidaiatuz gero:

- Errepideko egoerari eta eguraldiari buruzko informazioa aurretik eskatu. Euskalmet-era jo, edota deitu Eusko Jaurlaritzako Trafiko Zuzendaritzako telefonora: **902-112088**.
- Eguraldia benetan txar-txarra bada, hobe da bidaiari ez atera. Ahal dela, erabili garraio publikoa.
- Alabaina, bidaiatzea ezinbestekoa baduzu, ziurtatu pneumatikoak, galgak eta izotz-kontrakoa ondo daudela, kateak beti eraman, erregaitanga bete eta hartu berokiak. Ahal baduzu, telefonoa eraman beti; are gehiago, bigarren mailako errepideetan gidatu behar baduzu.
- Poliki ibili, izotz-plakarik balego adi; batez ere, laiotzean.
- Aurreko autoari tarte handia lagata ibili, normalean uzten den tarte baina handiagoa.
- Ez aldatu noranzkoa tupustean. Bolanteari gozotasunez eragin, eta martxa laburretan ibili.
- Izotza dagoen zonaldera sartzean, ez zapaldu galga, utzi ibilgailuari bere inertzia hutsez aurrera egiten.
- Izotza edo elur gogorra topatuz gero jarri kateak, baita zirkulazioko agenteek agintzen dizutenean.
- Irratia oso lagungarria izan daiteke une oro ondo informatuta egon nahi izanez gero.

Mendira baldin bazoaz

- Hobe litzateke mendiko txango eta ibilaldiak bertan batera uztea. Irtenez gero, nondik nora ibiliko zaren esanda utzi.
- Joan nahi duzun lekurako zer eguraldi-aurreikuspen dauden jakin, eta kontuan hartu ez dela harrizkoa mendian eguraldia bat-batean aldatzea.
- Eraman ekipamendu eta arropa egokia. Motxilan erretserbako jan-edanak eraman.
- Aukeratu leku egokia, zure sasoiaren, praktikaren eta lekuaren arabera. Ez eman balio handiegirik zure egoera fisikoari ezta zurekin doazenen egoerari ere ez, batez ere umeak badira.
- Ahal baduzu ez joan bakarrik, eta ahal izanez gero, eraman telefono mugikorra.

- Aurrez jakizu aterpe edo bordak non dauden, tenperatura asko jaitsi, ekaitza lehertu edo bestelako arazo meteorologikorik izango balitz ere babestu ahal izateko.

Etxean

- Kontuz ibili berogailu lagungarriekin (estufa edo sutontziekin), ezustekoren bat gerta daiteke eta.

Larrialdietan hartu beharreko neurriak:

Elurretan ibilgailuaren barruan geratzen bazara:

- Ez atera autotik, denboraleak barruan zaudela harrapatzen bazaitu.
- Motorra piztuta eta berogailua jarrita eduki; tarteka, berriztatu airea.
- Saiatu loak ez hartzen. Tapakiren bat eskuratu, eta bero jantzita ibili.

Larrialdietan, deitu 112 zenbakira

2.- UDALENTZAKO GOMENDIOAK

Hona hemen Eusko Jaurlaritzako Larrialdiei Aurre Egiteko eta Babes Zibileko Zuzendaritzaren aholkuak elurra egiten duenerako, ondorio txarrik ez egoteko edo ahalik eta gehien murrizteko, eragindako herritarrentzat:

Prebentzioko neurriak:

- Udaleko larrialdiko planeko ekintza-planean agertzen diren langileei abisu eman. Bestela, halako egoeretan lagungarri izan daitezkeen udal-zerbitzuak aktibatu (udaltzainak, boluntario-taldeak, obra eta zerbitzuetako langileak, ur eta estolderietako zerbitzuak eta abar).
- Ez ahaztu Udal Larrialdietako Sareko TETRA emisorea daukazula, larrialdiak koordinatzeko 112 zentroarekin harremanetan jartzeko.

Larrialdietan hartu beharreko neurriak:

- Jakinarazi herritarrei elur arriskua dagoela, eta azaldu zer neurri hartu behar diren arriskua prebenitzeko.

Larrialdietan, deitu 112 zenbakira

3.- LARRIALDIETAKO ZERBITZUENTZAKO GOMENDIOAK

Hona hemen Eusko Jaurlaritzako Larrialdiei Aurre Egiteko eta Babes Zibileko Zuzendaritzaren aholkuak elurra egiten duenerako, ondorio txarrik ez egoteko edo ahalik eta gehien murrizteko:

- Egoera horietarako Kontingentzia-planean zehaztutako langileei abisu eman. Bestela, egoki ikusten dituzuen laguntzaileak aktibatu.
- Moldatu eskura dauden bitartekoak dena delako egoerari ahalik eta ondoen erantzuteko.

- Jarraipeneko mahaia edo krisi-mahaia antolatuz gero, garaiz jakinaraziko zaizue, edo lehendik zehaztuta zeudenetara dei egingo zaizue.